



SESIÓN ORDINARIA DO PLENO DA MANCOMUNIDADE DE CONCELLOS DA COMARCA DE FERROL DE 14 DE NOVEMBRO DE 2016

EN EXPONAV, sendo as dezaioito horas do día arriba indicado reuniuse o Pleno da Mancomunidad de Municipios da Comarca de Ferrol, en primeira convocatoria, baixo a Presidencia de Jorge Juan Suárez Fernández, Alcalde de Ferrol, e a asistencia das seguintes persoas:

- Concello de Ares: Julio Ignacio Iglesias Redondo, Alcalde.
- Concello de Cabanas: Germán Castrillón Permuy, Alcalde.
- Concello de Cedeira: Pablo Diego Moreda Gil, Alcalde.
- Concello de Fene: Juventino Trigo Rey, representante do Concello de Fene.
- Concello de Mugardos: Pilar Díaz Otero, alcaldesa.
- Concello de Narón: Manuel Antonio Ramos Rodríguez, representante do Concello de Narón.
- Concello de Neda: Angel Álvaro Saavedra, alcalde de Neda.
- Concello de Valdoviño: Alberto González Fernández, alcalde de Valdoviño.

Asistidos polo Secretario Leopoldo Moure García, polo Interventor Manuel Roel Hernández-Serrano, e polo Xerente Luis Alcalá Baillie, ao obxecto de celebrar sesión ordinaria.

1. Lectura e aprobación se procede de actas das sesións anteriores.

Por unanimidade dos señores asistentes apróbanse as actas das sesións de 30 de maio e 11 de xullo de 2016.

2. Aprobación inicial da conta xeral do ano 2015.

Examinada a proposta do Presidente da Mancomunidad que literalmente di:

"PROPOSTA PARA ELEVAR A CONTA XERAL A DITAME DA COMISION ESPECIAL DE CONTAS – PLENO DA MANCOMUNIDADE.

Pola Intervención Xeral remítese, para a súa tramitación oportuna, a Conta Xeral desta Mancomunidad correspondente ao exercicio económico 2015.

A Conta Xeral regúlase nos artigos 208 a 212 do TRLRFL, aprobado por RD Lexislativo 2/2004, de 5 de marzo, no Real Decreto 500/1990, de 20 de abril, así como na Instrución do Modelo Normal de Contabilidade Local, aprobada por Orde do Ministerio de Facenda, Orde HAP/1781/2013, do 20 de setembro, pola que se aproba a Instrución do Modelo Normal de Contabilidade Local (ICALN)

Segundo determina o art. 209 de devandita Lei, a Conta Xeral estará integrada por:

- a) A da propia entidade.*
- b) A dos seus organismos autónomos (non é o caso desta Mancomunidad).*
- c) A das Sociedades Mercantís de capital integramente propiedade das mesmas (non é o caso desta Mancomunidad).*

Así mesmo, como documentación complementaria debe unirse á Conta Xeral, en virtude do disposto na regra 48.1 da ICALN:

- a) Os documentos a que se refire a regra 45.3. (actas de arqueo e certificacións bancarias)*



b) *As contas anuais das sociedades mercantís en cuxo capital social teña participación maioritaria a entidade local.*

c) *As contas anuais daquelas unidades dependentes da entidade local incluídas no ámbito de aplicación da Lei Orgánica 2/2012, do 27 de abril, de Estabilidade Orzamentaria e Sustentabilidade Financeira non comprendidas no apartado b) anterior nin integradas na Conta Xeral.*

A Mancomunidade carece de organismo autónomos e sociedades, polo que a Conta Xeral e só a da propia entidade.

De conformidade co establecido no art. 212 do TRLRHL, a rendición da Conta Xeral, formada pola Intervención, corresponde ao Presidente da Entidade Local.

Polo demais, no que se refire á súa tramitación, dita Conta Xeral, será sometida a informe da Comisión especial de Contas, cunha antelación mínima de 15 días segundo a Lei de réxime local de Galicia, para posteriormente, como dispón o art. 212 citado, quedar exposta ao público por prazo de quince días, durante os cales e oito mais, os interesados poderán presentar reclamacións, reparos e observacións. Nesta caso, a Conta Xeral sométese directamente a informe do Pleno da Mancomunidade, ao no estar constituída a Comisión especial de Contas.

De producirse reclamacións, someteranse a exame e comprobación da Comisión especial de Contas (ao Pleno, polas razóns anteriores) que emitirá novo informe.

Acompañada dos citados informes da Comisión especial de contas (do Pleno, polo xa dito) e das reclamacións, reparos e observacións formulados, a Conta Xeral someterase ao Pleno da Mancomunidade.

Para rematar, a Mancomunidade de Concellos da Comarca de Ferrol renderá ao Tribunal de Contas ou órgano de control externo que corresponda (Consello de Contas de Galicia), a Conta Xeral debidamente aprobada.

Por todo o anterior, sométese a ditame do Pleno, actuando en calidade de Comisión especial de Contas, a Conta Xeral da Mancomunidade de Concellos da Comarca de Ferrol correspondente ao exercicio económico 2015 nos termos que constan no expediente e integrada exclusivamente pola Conta da propia entidade

*Ferrol, a 9 de novembro de 2016.
O PRESIDENTE,
Asdo: Jorge Juan Suárez Fernández"*

As persoas asistentes acordan por unanimidade aprobar a proposta arriba transcrita.

3. Regularización de asuntos de persoal da mancomunidade e modificación orzamentaria.

Examinada a proposta do Presidente da Mancomunidade, que literalmente di:

"AO PLENO DA MANCOMUNIDADE

Vista a proposta do xerente e o informe favorable do interventor da Mancomunidade, e polos fundamentos de feito e de dereito expostos neses escritos, propoño aprobar a seguinte



xeración de créditos:

GASTOS XERADOS		
Partida	Finalidade	Importe
00.912.10701	Persoal directivo	2.407,08 €
00,912,14300	Outro persoal	8.014,63 €
00.912.16000	Seguridade Social	794,34 €
Total		11.216,05 €

INGRESOS QUE FINANCIAN A XERACIÓN		
concepto	denominación	Importe
46200	Achegas dos concellos da Mancomunidade	11.216,05 €
Total		11.216,05 €

Ferrol, 9 de novembro de 2016,
O Presidente da Mancomunidade en Ferrol
Asdo.: Jorge Juan Suárez Fernández”

As persoas asistentes acordan por unanimidade aprobar a proposta arriba transcrita.

4. Presentación de informe de cumprimento de prazos da lei 15/2010 do terceiro trimestre de 2016.

Queda presentado o informe de cumprimento de prazos da lei 15/2010 do terceiro trimestre de 2016.

Por parte da intervención infórmase de que algúns valores do documento deben revisarse, o que daría un resultado máis positivo.

5. Seguimento e impulso de servizos e proxectos.

Neste punto delibérase sobre as partidas a incluír no orzamento do ano 2017.

O xerente informa sobre a celebración o mércores día 16 dunha xornada sobre surf realizada no marco do convenio coa Xunta de Galicia para a promoción turística de Ferrolterra.

6. Rogos e preguntas.

Non se formularon.

E non habendo máis asuntos que tratar, a Presidencia declara levantada a sesión, sendo as dezanove horas, de todo o que, como Secretario, DOU FE.

O Presidente da Mancomunidade

Asdo: Jorge Juan Suárez Fernández

O Secretario

Asdo: Leopoldo Moure García